

全唐詩



全唐詩目 第五函

第九冊

張薦

崔邠

楊於陵

許孟容

馮伉

潘孟陽

武少儀 共一卷

段文昌

姚向

溫會

李敬伯

姚康 共一卷

羊士諤 一卷

楊巨源 一卷

令狐楚 一卷

裴度 一卷

乘輿

一卷

令林鼓

一卷

縣日感

一卷

羊士器

一卷

救患

共一卷

群文昌

救向

救會

燕介

當孟劉

為小篇

東燕

東燕

救會刻

救會刻

救氏册

事始

全唐詩

張薦

張薦字孝舉深州人薦之孫敏銳有文辭為顏真卿所賞真卿陷李希烈薦上疏論救為左拾遺論虛杞姦惡德宗納之擢諫議大夫將疏裴延齡惡延齡知之遣使回鶻還為秘書少監復使吐蕃三臨絕域占對詳辯卒贈禮部尚書詩三首

言

補具奉酬禮部閣老轉韻離合見贈

一作和韓偓之離合詩時為秘書監

移居既同里多幸陪君子弘雅重當朝弓旌早見招植根瓊林圃直夜金闈步勸深子玉銘力競相如賦間闊向春闈日復想光儀格言信難繼木石強為詞

和潘孟陽春日雪迴文絕句

遲遲日氣暖漫漫雪天春知君欲醉飲思見此交親

享文恭太子廟樂章

三獻具舉九旗將旋追勞表德罷享賓天風引仙管堂
虛畫筵芳馨常在瞻望悠然

崔邠

崔邠字處仁貝州武城人第進士官補闕疏論裴延齡
姦由中書舍人遷吏部侍郎久乃爲太常卿知吏部尚
書銓爲人沈密清儉兄弟以孝敬聞詩二首

禮部權侍郎閣老史館張秘監閣老有離合酬

贈之什宿直吟詠聊繼此章

一作和權貴之離合
詩時爲中書舍人

脉脉美佳期月夜吟麗詞諫垣則隨步東觀方承顧林
雪消艷陽簡冊漏華光坐更芝蘭室千載各芬芳節苦
文俱盛卽時人一作仍竝命翩翩紫霄中羽翮相輝映

享文恭太子廟樂章

醴齊泛籩彝軒縣動于戚入室儻如在升階虔所歷奮
疾合威容定利舒皦澤方崇廟貌禮永被君恩錫

楊於陵

楊於陵字達夫弘農人年十九擢進士第節度使韓滉

奇之妻以女滉爲相方權幸於陵不欲進取退廬建昌
滉卒乃爲膳部員外郎歷中書舍人戶部侍郎元和初
出爲嶺南節度使穆宗立遷戶部尚書以左僕射致仕

於陵器量方峻節操堅明時人尊仰之卒贈司空詩三首

和權載之離合詩

時為中書舍人

刻不於並

校德盡珪璋才臣時所揚放情寄文律方茂經邦術王

猷符

一作三獻借

發揮十載契心期晝遊有嘉話書法無隱辭

信茲酌和美言與芝蘭比昨來恣

一作念

吟繹日覺祛蒙鄙

郡齋有紫薇雙本自朱明接于徂暑其花芳馥

數旬猶茂庭宇之內迥無其倫予嘉其美而能

久因詩紀述

於陵憲宋朝嘗為桂陽郡守詩為桂陽時作

臨臨

晏朝受明命繼夏走天衢逮茲三伏候息駕萬里途省

躬既踟躕結思多煩紆簿領幸無事宴休誰與娛內齋

有嘉樹雙植分庭隅綠葉下成幄紫花紛若鋪
擣霞晚舒豔疑露朝垂珠炎沚晝方鏢幽姿閑
且都天桃固難匹芍藥寧爲徒懿此時節久詎
同光景驅陶甄試一致品彙乃散殊濯質非受
彩無心那奪朱粵子負羈繫留賞益踟躕通夕
靡云倦西南山月孤

登真閣贈毛仙翁

真師落簡下
鳳采霞與王林

先生赤松侶混俗遶人間崑閬無窮路何時下
故山成
年猶孺質秘術救塵寰莫便冲天去雲雷不可攀

許孟容

許孟容京兆長安人舉進士甲科貞元初爲張建封從
事四遷侍御史德宗知其才徵爲禮部員外郎遷給事

中多所論奏元和中由太常卿為尚書左丞居官守正
善拔士議論人物有大臣風采詩三首

荅權載之離合詩時為給事中

史一作敏才司秘府文哲今超古亦有擅風騷六聯文墨曹

聖賢三代意工藝千金字化識從臣謠人推仙閣吏如

登崑閬時口誦靈真詞孫簡下威鳳系霜瓊玉枝

奉和武相公春曉聞鶯

碧樹當窗啼曉鶯間闌入夢聽難成千回萬轉盡愁思

疑是血魂哀困聲此和詩久前同水景題幽麗信一妓

享文恭太子廟樂章

觴牢具品管弦有節祝道寅恭神儀昭晰桐珪早貴象

輅追設磬達樂成降歆豐潔

馮伉

馮伉魏州元城人大曆初舉五經又舉宏詞三遷膳部

員外郎使澤潞不受幣德宗以其清可用授醴泉令為

著諭蒙書以勸俗韋渠牟薦為給事中再領國子祭酒

卒贈禮部尚書詩三首

和權載之離合詩

時為給事中

車馬退朝後聿懷在文友動詞宗伯雄重美良史功亦

曾吟鮑謝二妙尤增價兩

于叶反

霜鴻啖天匝樹鳥鳴夜潭

思各

一作客

縱橫早擅希代名息心欲焚硯自覲

一作添

陪羣英

享文恭太子廟樂章二首

撰日瞻景誠陳樂張禮容秩秩羽舞煌煌肅將滌濯祇
薦芬芳永錫繁祉思深享嘗

干旄羽籥相虧蔽一進一退殊行綴昔獻三雍盛禮容
今陳六佾崇儀制

潘孟陽

潘孟陽字彥英

潘孟陽侍郎炎之子以蔭進登博學宏辭母劉晏女也
公卿多父友及外祖賓從故得薦用累至兵部郎中權
知戶部侍郎年未四十憲宗初巡省江淮憲宗嘗誠江
淮宣慰使鄭敬曰朕宮中用度一匹已上皆有簿領惟
贈卹貧民無所計筭卿宜體吾懷勿學潘孟陽奉使但
務酣飲遊山寺也詩三首

和權載之離合詩

詠歌有離合永夜觀酬答笥中操綵牋竹簡何足編意
深俱妙絕心契交情結計彼官接聯言初竝清切翔集
本相隨羽儀良在斯煙雲競文藻因喜翫新詩

春日雪以迴文絕句呈張薦權德輿

一作春日雪寄上張二十九丈

大監請招禮部權曹長迴文絕句時為戶部侍郎

春梅雜落雪發樹幾花開真須盡興飲仁里願同來

少平慕元日和布澤

至德生成泰咸歡照育恩流輝霑萬物布澤在三元北

闕祥雲迥東方嘉氣繁青陽初應律蒼玉正臨軒恩洽

因時令風和比化原自慙同草木無以答乾坤

武少儀

武少儀元和中嘗為大理卿詩二首
卷五十五 詞博思

和權載之離合詩

特為國子司業

少年慕時彥小悟

一作時

文多變木鐸比羣英八方流德聲

雷陳美交契雨雪音塵繼
一作詩恩顧各飛翔因詩觀瑰麗

傳野絕遺賢人希有盛遷早欽風與雅日詠贈酬篇

諸葛丞相廟

蜀志一作武侯祠

執簡焚香入廟門武侯神象儼如存
因機定蜀延衰漢

以計連吳振弱孫欲盡智能傾
僭盜善持忠節轉庸昏

宣王請戰貽巾幗始見才吞亦氣

一作勢

吞竹蘭

全唐詩

段文昌

段文昌字墨卿一字景初貞元初授校書郎累擢翰林
學士中書舍人穆宗即位拜中書侍郎同中書門下平
章事未踰年出為劍南西川節度使文宗立拜御史大
夫節度淮南徙荆南終西川節度集三十卷今存詩四

首
肅肅清廟登顯至德澤周八荒兵定四極生物咸遂羣
盜滅息明聖欽承子孫千億

題武擔寺西臺

秋天如鏡空樓閣盡玲瓏水暗餘霞外山明落照中鳥
行看漸遠松韻聽難窮今日登臨意多歡語笑同

晚夏登張儀樓呈院中諸公

重樓窗戶開四望斂煙埃遠岫林端出清波城下迴乍
疑蟬韻促稍覺香風來併起鄉關思銷憂在酒杯

還別業尋龍華山寺廣宣上人

十里惟聞松桂風江山忽轉見龍宮正與休師方話舊
風煙幾度入樓中

姚向

姚向長慶二年西川節度判官詩二首

奉陪段相公晚夏登張儀樓

瞳瞳日出大明宮
天樂遙聞在碧空
禁樹無風正和暖
玉樓金殿曉光中

迴出芙蓉閣上頭
九天懸處正當秋
年年七夕晴光裏
宮女穿針盡上樓

教來鸚鵡語初成
久閉金籠慣認名
總向春園看花去
獨於深院笑一作喚人聲

銀瓶瀉水欲朝妝
燭焰紅高粉壁光
共怪滿衣珠翠冷
黃花瓦上有新霜

迎風殿裏罷雲和
起聽新蟬步淺莎
爲愛九天和露滴
萬年枝上最聲多

御果收時屬內官
傍簷低壓玉闌干
明朝摘向金華殿

危軒重疊開訪古上裴回有舌嗟秦策飛樑駕楚材雲
霄隨鳳到物象爲詩來欲和關山意巴歌調更哀

李敬伯

李敬伯西川觀察巡官試大理評事詩二首

和段相公登武擔寺西臺

臺上起涼風乘閑覽歲功自隨台席貴盡許羽觴同樓
殿斜暉照江山極望通賦詩思共樂俱得詠時豐

奉陪段相公晚夏登張儀樓

層屋架城隈賓筵此日開文鋒摧八陣星分應三台望
雪煩襟釋當歡遠思來披雲霄漢近慙覺出塵埃

姚康

姚康字汝諧下邳人登元和十五年進士第試右武衛
曹參軍劍南觀察推官大中時終太子詹事詩四首

奉陪段相公晚夏登張儀樓

登覽值晴開詩從野思來蜀川新草木秦日舊樓臺池
景搖中座山光接上台近秋宜晚景極目斷浮埃

和段相公登武擔寺西臺

松逕引清風登臺古寺中江平沙岸白日下錦川紅疎
樹山根淨深雲鳥跡窮自慚陪末席便與九霄通

禮部試早春殘雪

微暖春潛至輕明雪尚殘銀鋪光漸濕珪破色仍寒無
柳花常在非秋露正團素光浮轉薄皓質駐應難幸得

依陰處偏宜帶月看玉塵銷欲盡窮巷起袁安

賦得巨魚縱大壑

水府乘閑望圓波息躍魚從來暴泥久今日脫泉初得
志寧相忌無心任宛如龍門應可度鮫室豈常居掉尾
方窮樂遊鱗每自舒乘流千里去風力藉吹噓

咏對味公登海嶽寺西臺

景鍊中壘山火鍊土谷旋煖色鍾聲辨何處新

登覽前翻開語錄裡張來從供僧草木兼以善其意也

奉酬對味公別更登海嶽寺

曹參軍險南贈察封百大中和初德太子欲守長安前

救東平凶帶可准入登云味十年奔並十餘信古流

全唐詩

羊士諤

羊士諤泰山人登貞元元年進士第累至宣歙巡官元和初拜監察御史坐誣李吉甫出爲資州刺史詩一卷

早春對雨

南館垂楊早東風細雨頻輕寒消玉笋幽賞滯朱輪千里巴江守三年故國春含情非遲客懸榻但生塵

永寧小園即事

蕭條梧竹下秋物映園廬宿雨方然桂朝飢更摘蔬陰苔生白石時菊覆清渠陳力當何事忘言媿道書

臺中遇直晨覽蕭侍御壁畫山水

全唐詩
蟲思庭莎白露天微風吹竹曉淒然今來始悟朝迴安
暗寫歸心向石泉

過三鄉望女几山早歲有卜築之志

女几山頭春雪消路傍仙杏發柔條心期欲去知何日
惆悵回車上野橋

南唐書 和 李都宮郎中經宮人斜

翡翠無窮掩夜泉猶疑一半作神仙秋來還照長門月
珠露寒花是野田

羊士古 山閣聞笛

臨風玉管吹參差山塢春深日又遲李白桃紅滿城郭
馬融閑臥望京師

登樓

槐柳蕭疎遶郡城
夜添山雨作江聲
秋風南陌無車馬
獨上高樓故國情

憶江南舊遊二首

山陰道上桂花初
王謝風流滿晉書
曾作江南步從事
秋來還復憶鱸魚

曲水三春弄綵毫
樟亭八月又觀濤
金罍幾醉烏程酒
鶴舫閑吟把蟹螯

莫嫌郡中即事三首

曉風山郭雁飛初
霜拂回塘水榭虛
鼓角清明如戰壘
梧桐搖落似貧居
青門遠憶中人產
白首閑看太史書

城下秋江寒見底賓筵莫訝食無魚

紅衣落盡暗香殘葉上秋光白露寒越女含情已無限

莫教長袖倚闌干

此首題一作
作說荷花

登臨一作高何事一作處見瓊枝白露黃花自繞籬惟有樓中好

山色稻畦殘水入秋池

此首題一作
寄裴校書

野望二首

萋萋麥隴杏花風好是行春野望中日暮不辭停五馬

鴛鴦飛去綠江空

忘懷不使海鷗疑水映桃花酒滿卮亭上一聲歌白苧

野人歸棹亦行遲

遊西山蘭若

路傍垂柳古今情
春草春泉咽又生
借問山僧好風景
看花攜酒幾人行

泛舟入後溪

東風朝日破輕嵐
仙棹初移酒未酣
玉笛閑吹折楊柳
春風無事傍魚潭

雨餘芳草淨沙塵
水綠灘平一作帶春
唯有啼鶯似畱

客桃花深處更無人

此首一作于鵠詩

看花

一到花間一忘歸
玉梧瑤瑟減光輝
歌筵更覆青油幕
忽似朝雲瑞雪飛

春望

莫問華簪髮已斑歸心滿目是青山
獨上層城倚危檻
柳營春盡馬嘶閑

寄江陵韓少尹

別來玄鬢共成霜雲起無心出帝鄉
蜀國魚箋數行字
憶君秋夢過南塘

賀

一作資

州宴行營回將

九一作幾劍盈庭酒滿卮
戍人歸日及瓜時
元戎靜鎮無邊事
遣向營中偃畫旗

遊郭駙馬大安山池

馬嘶芳草自淹留
別館何人屬細侯
仙杏破顏逢醉客
綵鴛飛去避行舟
簫日暖移賓榻
垂柳風多掩妓樓

坐閱清暉不知暮煙橫北渚水悠悠

故蕭尚書瘦柏齋前玉藥樹與王起居吏部孟

員外同賞

柏寢閉何時瑤華自滿枝天清凝積素風暖動芬絲
雷步蒼苔暗停觴白日遲因吟茂陵草幽賞待姸詞

和武相早朝中書候傳點書懷奉呈

殿省祕清曉夔龍升紫微星辰拱帝座劔履翊天機
耿耿金波缺沉沉玉漏稀綵箋蹲鷲獸畫扇列名鸞
志業丹青重恩華雨露霏三台昭建極一德慶垂衣
昌運瞻文教雄圖本武威殊勲如帶遠佳氣似煙非
抗節衷無隱同心尚弼違良哉致君日維嶽有光輝

和蕭侍御監祭白帝城西村寺齋沐覽鏡有懷

吏部孟員外并見贈

晚沐金仙宇迎秋白帝祠軒裳煩吏職風物動心期清
鏡開塵匣華簪指髮絲南宮有高步歲晏豈磷緇

送張郎中副使自南省赴鳳翔府幕

仙郎佐氏一本缺謀廷議寵元侯城郭須來貢河隍亦順流

亞夫高壘靜充國大田秋當奮燕然筆銘功向隴頭

和竇吏部雪中寓直

瑞花飄朔雪灑氣滿南宮迢遰層城掩徘徊午夜中金
閨通籍恨銀燭直廬空一本缺誰問烏臺客家山憶桂叢

小園春至偶呈吏部竇郎中

題下
孟員外三字

松篠雖苦節冰霜慘其間欣然一作發佳色如喜東風還
幽抱想前躅冥鴻度南山春臺一以眺達士亦解顏偃
息非老圃沉吟閱玄關馳暉忽復失壯氣一作不得閑君
子當濟物丹梯誰一作共攀心期自有約去掃蒼苔斑

酬吏部竇郎中直夜見寄

解巾侍雲陛三命早為郎復以雕龍彩旋歸振鷺行玉
書期養素金印已一本懷黃茲夕南宮詠遐情媿不忘

永寧里園亭休沐悵然成詠

雲景含初夏休歸曲陌深幽簾宜永日珍樹始清陰遲
客唯長簟忘言有匣琴晝披靈物態書見古人心芳草
多畱步鮮飈自滿襟勞形非立事瀟灑媿頭簪

登樂遊原寄司封孟郎中盧補闕

爽節時清眺秋懷悵獨過
神臯值宿雨曲水已增波
白鳥凌風迴紅蕖濯露多
伊川有歸思君子復如何

乾元初嚴黃門自京兆少尹貶牧巴郡以長才

英氣固多暇日每遊郡之東山山側精舍有盤

石細泉疏爲浮杯之勝苔深樹老蒼然遺躅士

諤謬因出守得繼茲賞乃賦詩十四韻刻於石

壁

石座雙峰古雲泉九曲深
寂寥疏鑿意蕪沒歲時侵繞

席流還壅浮杯咽復沉
追懷王謝侶更似會稽岑

始請流杯之地

蔓草已沒石泉渠不絕如線躬自疏
導終日潺湲蓋數十年無復遊者
誰謂天池翼相期宅畔吟光

輝輕天璧然諾重黃金幾醉東山妓長懸北關心蕙蘭

留雜佩桃李想一作相華簪時都詹事昂自拾遺貶清化尉苦門年三十餘且為符主與却意氣友善賦詩高會文

存字猶閉閣余何事鳴騶亦屢尋軒裳遵往轍風景憩中林

橫吹多淒調安歌送好音初筵方側弁故老忽沾襟時

僧常覺在自言目觀黃門遊集之日歷歷可聽及聞絲竹發聲泣然流涕盛世當弘濟平生諒所欽無

能愧陳力惆悵拂瑤琴會風流賞掛吾內史贊

閑齋示一二道者

幽蘭誰復奏閑匣以端憂知止慙先覺歸歟想故侯山

蟬鈴閣晚江南麥田秋唯有空門學相期老丘

南池荷花

蟬噪城溝水芙蓉忽已繁紅花迷越艷芳意過湘沅湛

露宜清暑披香正滿軒朝朝祇自賞穠李亦何言
郡中翫月寄江南李少尹虞部孟員外三首

月滿自高丘江通無狹流軒窗開到曉風物坐含秋鵲

警銀河斷蛩悲翠幕幽清光望不極耿耿下西樓

桂華臨洛浦如托李膺仙茲夕披雲望還吟擲地篇鳳

池分直夜牛渚泛舟年會是風流賞惟君內史賢

圓景曠佳賓一作賞徘徊夜漏頻金波徒汎酒瑤瑟已生塵

露白移長簾風清挂幅巾西園舊才子想見洛陽人時

盧雲夫書
分可入洛

城隍廟賽雨二首

零雨慰斯人齋心薦綠蘋山風簫鼓響如祭敬亭神

積潤通千里推誠奠一卮回飈經畫壁忽似偃雲旗

郡樓晴望二首

霽色朝雲盡亭臯一作高露亦晞寒開臨曲檻蕭瑟換輕衣

地遠秦人望天晴社燕飛無功慙歲晚唯念故山歸

一雨晴山郭驚秋碧樹風蘭卮誰與薦玉旆自無悰雲

景嘶賓雁嵐陰露彩虹閑吟嬾問一作閣旦夕郡樓中

初移琪樹

愛此丘中物煙霜盡日看無窮碧一作白雲意更助綠窗寒

燕居

秋齋膏沐暇旭日照軒墀露重芭蕉葉香凝一作低橘柚

枝簡書隨吏散寶騎與僧期報國得何力流年已覺衰

寄黔府竇中丞

漢臣旌節貴萬里護牂牁夏月一作日天無暑秋風水不波
朝衣蟠艾綬戎幕偃雕戈滿歲歸龍闕良哉佇作歌

書樓懷古

何獨文翁化風流與代深泉雲無舊轍騷雅有遺音遠
目窮巴漢閑情閱古今忘言意不極日暮但橫琴

九月十日郡樓獨酌

祿史當授衣郡中稀物役嘉辰悵已失殘菊誰爲惜
樽軒一尊泛天景洞虛碧暮節獨一作猶賞心寒江鳴湍石歸
期北州里舊友東山客飄蕩雲海深相思桂花白

暮秋言懷

城隅疑綵畫紅樹帶青山遲客金尊晚談空玉柄閑馳
暉三峽水旅夢百勞關非是淮陽薄丘中只望還

題枇杷樹

珍樹寒始花氛氲九秋月佳期若有待芳意常無絕
嫋嫋碧海風濛濛綠枝雪急景自餘妍春禽幸流悅

上元日紫極宮門觀州民然燈張樂

山郭通衢隘瑤壇紫府深燈花助春意舞綬一作織歡心
閑似淮陽臥恭聞樂職吟唯將聖明化聊以達飛沉

西郊蘭若

雲天宜北戶塔廟似西方林下僧無事江清日復長石
泉盈掬冷山實滿枝香寂寞傳心印玄言亦已忘

金唐言
在郡三年今秋見白髮聊以書事

二毛非騎省朝鏡忽秋風
絲縷寒衣上霜華舊簡中
承明那足厭車服媿無功
日日山城守淹畱巖桂叢

郡中端居有懷袁州王員外使君

憶作同門友承明奉直廬
禁闈人自異休澣跡非疎
珥

筆金華殿三朝玉璽書
恩光榮侍從文彩應符徐
王自貞元至

元和並青眼真知我
玄談愧起予
蘭卮招促膝
松砌引長

學宮命裾
自躬冠服輒請松庭永日言集
麗日流鶯早涼天墜露初

前山臨紫閣曲水眺紅蕖
誰為音塵曠俄驚歲月除風

波移故轍符守忽離居
濟物陰功在分憂盛業餘
弱翁

方大用延首遲雙魚

山寺題壁

物外真何事幽廊步不窮一燈心法在三世影堂空山
果青苔上寒蟬落葉中歸來還閉閣棠樹幾秋風

暇日適值澄霽江亭遊宴

碧落風如洗清光鏡不分弦歌方對酒山谷盡無雲振
臥淮陽病悲秋宋玉文今來強攜妓醉舞石榴裙

玩槿花

何乃詩人興妍詞屬舜華風流感異代窈窕比同車凝
艷垂清露驚秋隔絳紗蟬鳴復蟲思惆悵竹陰斜

郡齋讀經

壯齡非濟物柔翰誤爲儒及此齋心暇翛然與道俱散

材誠獨善正覺豈無徒半偈蓮生水幽香桂滿爐息陰
慙蔽芾講義得醍醐跡似桃源客身櫻竹使符華夷叅
吏事巴漢混州圖偃草懷君子移風念嗇夫翳桑俄有
績宿麥復盈租圓寂期超詣凋殘幸已蘇解空囊不智
減景谷何愚幾日遵歸轍東菑殆欲蕪

州民自言巴土冬濕且多陰晦今茲晴朗苦寒

霜頗甚故老咸異之因示寮吏

第五句第七句
第八句竝缺

兩霜以成歲看舊感前聞愛景隨朝日凝陰積暮雲

忘言酒暫醺

齋中有獸皮茵偶成詠

逸才豈凡獸服猛愚人得山澤生異姿蒙戎一作葑蔚佳色

青氈持與藉重錦裁為飾臥閣幸相宜溫然承宴息

野夫採鞭於東山偶得元者

追風豈無策持斧有遐想鳳去畱孤根崑懸非朽壤苔
斑自天生玉節垂雲長勿謂山之幽丹梯亦可上

守郡累年俄及知命聊以言志

第八句
缺一字

南國疑逋客東山作老夫登朝非大隱出谷是真愚氣
直慙龍劔心清愛玉壺聊持循吏傳早晚為徒

東渡早梅一樹歲華如雪酬賞成詠

第一句第二
句各缺一字

暇日畱事期雲亦開鄉心持歲酒津下賞山梅晚

實和商鼎濃香拂壽杯唯應招北客日日踏青來

題郡南山光福寺寺即嚴黃門所置時自給事

中京兆少尹出守年三十性樂山水故老云每
旬數至後分閩一有川州門有去思碑即郗拾遺
之詞也

傳聞黃閣守茲地賦長沙少壯稱時傑功名惜歲華巖
廊初建剝賓從亟鳴笳玉帳空巖道甘棠見野花碑殘
猶隴淚城古自歸鴉籍籍清風在懷人諒不遐

雨中寒食

令節逢煙雨園亭但掩關佳人宿妝薄芳樹綵繩閑歸
思偏消酒春寒為近山花枝不可見別恨灞一作陵間

晚夏郡中臥疾

事外心如寄虛齋臥更幽微風生白羽畏日隔青油用

拙懷歸去沉痾畏借畱東山自有計蓬鬢莫先秋

酬盧司門晚夏過永寧里弊居林亭見寄

自嘆淮陽臥誰知去國心幽亭來北戶高韻得南金
苔甃窺泉少籃輿愛竹深風蟬一清暑應喜脫朝簪

南園水山郭風雨朝霽悵然秋思

桐竹離披曉涼風似故園驚秋對旭日感物坐前軒
江燕飛還盡山榴落尚繁平生信有意衰久已忘言

五五山南館林塘

郡閣山斜對風煙隔短墻清池如寫月珍樹盡凌霜
行樂知無悶加餐頗自強心期空歲晚魚意久相忘

臘夜對酒

琥珀盃中物瓊枝席上人樂聲方助一作醉燭影已含春
自顧行將老何辭坐達晨傳觴稱厚德不問吐車茵

池上構小山詠懷第二句缺二字

玉立出巖石風清曲 偶成聊近意靜對想凝神牛

渚中流月蘭亭上道春古來心可見寂寞為斯人

林塘臘候

南國冰霜晚一作年華已暗歸閑招別館客遠念故山薇

野艇虛還觸籠禽倦更飛忘言亦何事酣賞步一作清輝

酬禮部崔員外備獨一作永寧里弊居見寄

來詩云圖書鑠塵閣符節守山城第二句缺一字

守土親巴俗腰章漢儀春行樂職詠秋感伴宇詞舊

里藏書閣閉門閉權籬遙慙退朝客下馬獨相思

梁國惠康公主挽歌詞二首

時詔令百官進詞駢馬即司空于公之子

湯沐成陳跡山林遂寂寥鵲飛應織素鳳起獨吹簫玉
殿中叅罷雲輶上漢遙皇情非不極空輟未央朝

授冊榮天使陳詩感聖恩山河啓梁國縞素及于門泉
向金卮咽霜來玉樹繁都人聽哀挽淚盡望寒原

南池晨望

起來林上月瀟灑故人情鈴閣人何事蓮塘曉獨行衣

沾竹露爽茶對石泉清鼓吹前賢薄羣蛙試一鳴

林館避暑

池島清陰裏無人泛酒船山蛸金奏響荷露水精圓靜

勝朝還暮幽觀白已亥家林正如此何事賦歸田

巴南郡齋雨中偶看長曆是日小雪有懷昔年
朝謁因成八韻

夷落朝雲候王正小雪辰緬懷朝紫陌曾是灑朱輪氣
耿簪裾肅風嚴刻漏頻暗飛金馬仗寒舞玉京塵豸角
隨中憲龍池列近臣藥珠凝瑞彩懸圃淨華茵帝澤千
箱慶天顏萬物春明廷一作君猶咫尺高詠愧巴人

褒城驛池塘翫月

夜長秋始半圓景麗銀河北清光溢西山爽氣多鶴
飛聞隊露魚戲見增波千里家林望涼飈換綠蘿

資陽郡中詠懷

腰章非達士閉閣是潛夫匣劍寧求試籠禽但自拘江
清牛渚鎮酒熟步兵厨唯此前賢意風流似不孤

寒食宴城北山池即故郡守滎陽鄭鋼一作目爲

折柳亭

別館青山郭遊人折柳行落花經上已細雨帶清明鶉
鳩流芳暗鴛鴦曲水平歸心何處醉寶瑟有餘聲

酬彭州蕭使君秋中言懷

右一作職移青綬雄藩拜紫泥江回玉壘下氣爽錦城西

臯鶴驚秋律琴鳥怨夜啼離居同舍念宿昔奉金閨元和

初接武南臺
周旋兩院

資中早春

一雨東風晚山鶯獨報春淹留巫峽夢惆悵洛陽人柳
意籠丹檻梅香覆錦茵年華行可惜瑤瑟莫生塵

郡樓懷長安親友

殘暑三巴地沉陰八月天氣昏高閣雨夢倦下簾眠愁
鬢華簪小歸心社燕前相思杜陵野溝水獨潺湲

王起居獨遊青龍寺翫紅葉因寄

十畝蒼苔遶畫廊幾株紅樹過清霜高情還似看花去
閑對南山步夕陽

夜聽琵琶三首

掩抑危絃咽又通朔雲邊月想朦朧當時誰佩將軍印
長使蛾眉怨不窮

一曲徘徊星漢稀
夜闌幽怨重依依
忽似撻金來上馬
南枝棲鳥盡驚飛

破撥聲繁恨已長
低鬟歛黛更摧藏
潺湲隴水聽難盡
併覺風沙繞杏梁

一作畫

彭州蕭使君出妓夜宴見送

玉顏紅燭忽驚春
微步凌波暗拂塵
自是當歌歛眉黛
不因惆悵爲行人

題松江館

津柳江風白浪平
棹移高館古今情
扁舟一去鷓鴣子
應笑分符計日程

偶題寄獨孤使君

全唐詩
病起淮陽自有時，秋來未覺長年悲。
坐逢在日唯相望，嬾嬾涼風滿桂枝。

永寧里小園與沈校書接近，悵然題寄

故里心期奈別何，手移芳樹憶庭柯。
東臯黍熟君應醉，梨葉初紅白露多。

齊一作春中詠懷

無心唯有白雲知，閑臥高齋夢蝶時。
不覺東風過寒食，雨來萱草出巴籬。

登郡前山

洛陽歸客滯巴東，處處山櫻雪滿叢。
峴首當時爲風景，豈將官舍作池籠。

客有自渠州來說常諫議使君故事悵然成詠
才子長沙暫左遷能將意氣慰當年至今猶有東山妓
長使歌詩被管弦

春日朝罷呈臺中寮

一作友

退食鴈行振羽儀九霄雙闕迴參差雲披綵仗春風度
日暖香堦晝刻移玉樹籠煙鷓鴣觀石渠流水鳳凰池
時清執法慚無事未有長楊漢主知

州民有獻杏者瑰麗溢目因感花未幾聊以成
詠

南郭東風賞杏壇幾株芳樹昨畱歡却憶落花飄綺席
忽驚如寶滿雕盤蛾眉半斂千金薄鸚鵡初鳴百草闌

志士古來悲節換美人啼鳥亦長嘆

西川獨孤侍御見寄七言四韻一首為郡翰墨

都捐逮此訓答誠乖拙速

百雉層城上將壇列營西照雪峰寒文章立事須銘鼎

談笑論功恥據鞍草檄清油推一作催健筆曳裾黃閣聳危

冠雙金未比三千字負弩空慙知者難

都城從事蕭員外寄海梨花詩盡綺麗至惠然

遠及

珠履行臺擁附蟬外郎高步似神仙陳詞今見唐風盛

林中遙瞻衛國賢擲地好詞凌綵筆浣花春水賦魚箋

東山芳意須同賞子看囊盛幾日傳

右軍書云青李來禽櫻桃日給藤子皆囊盛為佳函

封多
不生

赴資陽經蟠冢山

漢水所出元和三年已授此官

寧辭舊路駕朱轡重使疲人感漢恩今日鳴騶到蟠峽
還勝博望至河源

郡中言懷寄西川蕭員外

功名無力愧勤王已近終南得草堂身外盡歸天竺偈
腰間唯有會稽章何時臘酒逢山客可惜梅枝亞石牀
歲晚我知仙客意懸心應在白雲鄉

郡齋感物寄長安親友

晴天春意併無窮過臘江樓日日風瓊樹花香故人別
蘭卮酒色去年同閑吟鈴閣已歌裏回首神臯瑞氣中

自愧朝衣猶在篋歸來應是白頭翁

息舟荆溪入陽羨南山遊善權寺呈李功曹巨

結纜蘭香渚一作柴車一作紫岩又作挈侶上連岡晏温值初霽去遶

山河長獻歲冰雪盡細泉生路傍行披煙杉入激澗一作

橫石梁層閣表精廬飛甍切雲翔冲襟得高步清眺

極遠方潭嶂積佳氣萸萸多早芳具觀澤國秀重使春

心傷念遵煩促途榮利鶩隙光勉君脫冠意共匿無何

鄉

亂後曲江

憶昔曾遊曲水濱春來長有探春人遊春人靜空地一作

池在直至春深不似春

尋山家

一作長孫
佐輔詩

獨訪山家歇還涉

一作步
還歇

茅屋斜連隔松葉主人聞語未

開門繞籬野菜飛黃蝶

寄裴校書

登高何處見瓊枝
~~白露~~黃花自繞籬惟有樓中好山色

稻畦殘水入秋池

句

風泉留古韻笙磬想遺音
桂朽有遺馥鸞飛安可待

塵沙藹如霧長波驚颺度雁起汀洲寒馬嘶高城暮

銀缸倦秋館綺瑟瞻永路重有攜手期清光倚玉樹以上

張爲注

各圖

卷五十五

驗金對也 論和氣氣未流而亦其平似亦未移其

結靈蘭譜 其氣如龍其氣如龍其氣如龍其氣如龍

風氣最古 論其氣如龍其氣如龍其氣如龍其氣如龍

橫石 論其氣如龍其氣如龍其氣如龍其氣如龍

蘇地 論其氣如龍其氣如龍其氣如龍其氣如龍

登高向遠 其氣如龍其氣如龍其氣如龍其氣如龍

言集詩書

開門 論其氣如龍其氣如龍其氣如龍其氣如龍

斷言 論其氣如龍其氣如龍其氣如龍其氣如龍

其氣如龍其氣如龍其氣如龍其氣如龍

全唐詩

楊巨源

楊巨源字景山河中人貞元五年擢進士第爲張弘靖
從事由秘書郎擢太常博士禮部員外郎出爲鳳翔少
尹復召除國子司業年七十致仕歸時宰曰以爲河中
少尹食其祿終身集五卷今編詩一卷

秋夜閑居即事寄廬山鄭員外蜀郡符處士

憂思繁未整良辰會無由引領遲佳音星紀屢以周蓬

閨絕華耀况乃處窮愁墜葉寒擁砌燈火一作先夜悠悠開

琴弄清弦窺月俯澄流冉冉鴻鴈度蕭蕭帷箔秋悵懷

石門詠緬慕一作碧雞遊髮髯蒙顏色崇蘭隱芳洲

獨不見

東風艷陽色柳綠花如霰
競理同心鬟爭持合歡扇
香傳賈娘手粉離何郎面
最恨卷簾時含情獨不見

題趙孟莊

管鮑化為塵交友存如線
升堂俱自媿得路難相見
懿君敦三益頽俗欺一變
心同襲芝蘭氣合回霜霰
石門雲臥久玉洞花尋遍
王濬愛旌旗梁竦勞州縣
煙鴻秋更遠天馬寒愈健
願事郭先生青囊書幾卷

辭魏博田尚書出境後感恩戀德因登藂臺

一本

此下有却第八句
贈二字 缺二字

薦書及龍鍾此事鏤心骨
親知殊恨恨一作恨恨徒御方咄咄

賓朋倉別
僉僕請行

藪臺邯鄲郭臺上見新月離恨始分明

更

超忽懷仁淚空盡感事情又發他時躡履聲曉日照丹

闕

夏日苦熱同長孫主簿過仁壽寺納涼

火入天地鑪南方正何劇四郊長雲紅六合太陽赤
赫沸泉壑燄燄焦砂石思滅祝融權期匡諸子宅因投
竹林寺一問青蓮客心空得清涼理證等喧寂開襟天
籟回步履雨花積微風動珠簾惠氣入瑤席境閑性方
謚塵遠趣皆適淹駕殊未還朱欄敞虛碧

送李虞仲秀才歸東都因寄元李二友

高翼閑未倦孤雲曠無期晴霞海西畔秋草燕南時鄴

中多上才耿耿丹霄姿顧我於逆旅與君發光儀同將
儒者方獲忝攜一作馬人知幽蘭與芳佩寒玉鏘美詞舊友
在伊洛鳴蟬思山陂到來再春風夢盡雙瓊枝素業且
無負青冥殊未遲南橋天氣好脈脈一相思

和盧諫議朝回書情即事寄兩省閣老兼呈二
起居諫院諸院長

寵位資寂用回頭憐二疎超遙比鶴性皎潔同僧居華
組澹無累單牀歡有餘題詩天一作清風灑屬思紅霞舒藹
藹延閣東晨光映林初爐香深內殿山色明前除對客
默焚橐何人知諫書全仁氣逾勁大辨言甚徐逸步寄
青瓊閑唼親綺疏清輝被鸞渚瑞藹含龍渠謝監營野

聖陶公愛吾廬悠然遠者懷聖代飄長裾端弼緝元化
至音生太虛一戎珍攬槍重譯充儲胥借地種寒竹看
雲憶春蔬靈機棲杳冥談笑登軒車晚迹識麒麟秋英
見芙蓉危言直且莊曠抱鬱以據志業耿冰雪光容粲
璠璣時賢儼仙掖氣謝心何如

奉酬寶郎中早入省苦寒見寄

玄冥怒含風羣物戒嚴節空山頑石破幽澗層冰裂題
詩金華彥接武丹霄烈曠懷玉京雲孤唱粉垣雪窮陰
總凝沍正氣直肅殺天狼看墜地霜兔敢拒穴悠然蓬
蒿士亦得奉朝謁羸驂苦遲遲單僕怨切切端闈仙階
邃廣陌凍橋滑旭日鴛鷺行瑞煙芙蓉闕司寒申鄭重

成歲在凜冽謝監逢酒一作假時袁生閉門月漸思霜霰減
欲報陽和發誰家挾纊心何地當鑪熱慘舒能一改恭
聽遠者說

野園獻果呈員外

西園果初熟上客心逾愜凝粉乍辭枝飄紅仍帶葉幽
姿寫瓊實殷彩呈妝頰持此贈佳期清芬羅袖裛

大堤曲

詞作

二八嬋娟大堤女開壚相對依江渚待客登樓向水看
邀郎捲幔臨花語細雨濛濛濕芰荷巴東商侶挂一作帆
多自傳芳酒流一作翻紅袖誰調妍妝回翠娥珍簾華燈夕
陽後當壚理瑟矜纖手月落星微五鼓擊春風搖蕩牕

前柳歲歲逢迎沙坼間北一作背人多識一作整綠雲鬟無端嫁
與五陵少離別煙波傷玉顏

楊花落

北斗南回春物老紅英落盡綠一作綠尚早韶風澹蕩無所
依偏惜垂楊作春好此時可憐楊柳花榮一作榮盈艷曳滿
人家人家女兒出羅幙靜掃玉庭待花落寶環纖手捧
更飛翠羽輕裾承不著歷歷瑤琴舞金一作態陳菲紅拂黛
憐玉人東園桃李芳已歇獨有楊花嬌暮春

去如月宮詞

宮中月明何所似如積如流滿田地迥過前殿曾學省
回照長門慣催淚昭陽昨夜秋風來綺閣金鋪情一作清影

開藻井浮花共陵亂玉階零露相裛回稍映明河泛仙
馭滿牕猶在更衣處管弦回燭無限情環珮憑欄不能
去皎皎蒼蒼千里同穿煙飄葉九門通珠簾欲卷畏成
水瑤席初陳驚似空復值君王事歡宴宮女三千一時
見飛蓋愁看素暈低稱觴願踏清輝遍江上無雲夜可
憐冒沙披浪自嬋娟若共心賞風流夜那比高高太液

前

贈從弟茂卿時欲北遊

吾從一作家驥足楊茂卿性靈且奇才甚清海內方微風雅

道鄴中更有文章盟扣寂由來在淵思搜奇本自通禪

智且維證時符水月杜甫狂處遺天地流水東西岐路

分幽州迢遰舊來聞若為向北驅疲馬山似寒空塞似雲

烏啼曲贈張評事

可憐楊葉復楊花雪淨煙深碧玉家烏棲不定枝條弱
城頭夜半聲啞啞浮萍流

一作樓

蕩門前水任冒芙蓉莫

墮沙

端午日伏蒙內侍賜晨服

綵縷纖仍麗凌風卷復開方應五日至應自九天來在
笥清光發當軒暑氣回遙知及時節刀尺火雲催

胡姬詞

妍艷照江頭春風好客留當壚知妾慣送酒為郎羞香

渡傳蕉扇妝成上竹樓數錢憐皓腕非是不能留

春日有贈

堤暖柳絲斜風光屬謝家晚心應戀水春恨定因花步
遠憐芳草歸遲見綺霞由來感情思獨自惜年華

襄陽樂

閑隨少年去試上大堤遊畫角樓烏起清弦過客愁碑
沈楚山石珠徹漢江秋處處風情好廬家更上樓

關山月

蒼茫臨故關迢遞照秋山萬里平蕪靜孤城落葉閑露
濃棲鴈起天遠戍兵還復暎征西府光深組練間

長城聞笛

孤城笛滿林斷續共霜砧夜月降羌淚秋風老將心靜
過寒壘遍暗入故關一作園深惆悵梅花落山川不可尋

春晚東歸留贈李功曹

芳田岐路斜脈脈惜年華雲路一作絲青絲騎香含翠幘車
歌聲仍隔水醉色未侵花唯有懷鄉客東飛羨曙鷗

送殷員外使北蕃

二軒將雨露萬里入煙沙和氣生中國薰風屬外家塞
盧隨鴈影關柳拂駝花努力黃雲北僊曹有雉車

送許侍御充雲南哀冊使判官

萬里永昌城威儀奉聖明冰心瘴江冷霜憲漏天晴荒
外開亭候雲南降旆旌他時功自許絕域轉哀榮

秋日題陳宗儒園亭悽然感舊

曾隨何水部待月東亭宿今日重凭欄清風空在竹前
山依舊碧閑草經秋綠時物方宛然蛛絲一何速

和鄭少師相公題慈恩寺禪院

舊寺長桐孫朝天是聖恩謝公詩更老蕭傳道方尊白
法知深得蒼生要重論若為將此望心地向空門

同趙校書題普救寺

東門高處天一望幾悠然白浪過城下青山滿寺前塵
光分驛道嵐色到人煙氣象須文字逢君大雅篇

春日與劉評事過故證一作登上人院

曾共劉諮議同時事道林與君方掩淚來客是知心塔

雲凌春積鐘煙向夕深依然舊童子相送出花陰

春雪題興善寺廣宣上人竹院

皎潔青蓮客焚香對雪朝竹風催

一作吹

浙瀝花雨讓飄飄

觸

一作灑

石和雲積縈池拂水消只應將日月顏色不相饒

清明日_{一作後}土祠送田徹

一作徹

清明千萬家處處是年華榆柳芳辰火梧桐今日花祭

一作登

祠結雲綺遊陌擁香車惆悵田郎去原回煙樹斜

酬令狐員外直夜書懷見寄

花枝暖欲舒粉署夜方初世職推傳盛春刑是減餘芸

香能護字鈿槩善呈書此地從頭白經年望雉車

題表丈三大夫書齋

盛府自蓮花羣公是歲華蘭姿丈人圃松色大夫家素
卷堆瑤席朱弦映絳紗詩題三百首高韻照春霞

春日送沈贊府歸潯陽觀叔父

潯陽阮咸宅九派竹林前花嶼高如浪雲峰遠似天江
聲在南巷一作港海氣入東田才子今朝去風濤思渺然

與李文仲秀才同賦泛酒花詩

若道春無賴飛花合逐風巧知人意裏解入酒杯中香
濕勝含露光搖似泛空請君回首看一作醉眼幾片舞芳叢

登寧州城樓

宋玉本悲秋今朝更上樓清波城下去此意重悠悠晚
菊臨杯思寒山滿郡愁故關非內地一為漢家羞

同薛侍御登黎陽縣樓眺黃河

倚檻恣流目高城臨大川
九回紆白浪一半在青天
氣肅晴空外光翻曉日邊
開襟值佳景懷抱更悠然

和權相公南園閑涉寄廣宣上人

浩氣抱天和閑園載酒過
步因秋景曠心向晚雲多
翠玉思回鳳立珠肯在鵝
問一作湯師登幾地空性奈詩何

供奉定法師歸安南

故鄉南越外萬里白雲峰
經論辭天去香花入海逢
鷺濤清梵徹蜃閣化城重
心到長安陌交州後夜鐘

池上竹

一叢嬋娟色四面清冷波
氣潤晚煙重光閑秋露多
翠

全唐詩
八
筠入疎柳清影拂圓荷歲晏琅玕實心期有鳳過

長安春遊

鳳城春報曲江頭上客年年是勝遊日暖雲山當廣陌
天清絲管在高樓龍蔥樹色分僊閣縹緲花香汎御溝
桂壁朱門新邸第漢家恩澤問鄮侯

送定法師歸蜀法師即紅樓院供奉廣宣上人

兄弟

鳳城初日照紅樓禁寺公卿識惠休詩引棣華沾一雨
經分貝葉向雙流孤猿學定前山夕遠鴈傷離幾地秋
空性碧雲無處所約公曾許剡溪遊

早朝

鐘聲一作清禁纔應徹漏報仙闈儼已開雙闕薄煙籠萬

苗九成初日照蓬萊朝時但向丹墀拜仗下方從碧殿

回聖道逍遙更何事願將巴曲贊康哉

贈張將軍

關西諸將掛容光獨立營門一作前劍有霜知愛魯連歸海

上肯令之翦在頓一作平揚天晴紅幟當山滿日暮清笳入

塞長年少功高人最美漢家壇一作煙樹月一作日蒼蒼

和侯大夫秋原山觀征人回

兩河戰罷萬方清原上軍回識舊營立馬望雲秋塞靜

射鵬臨水晚天晴戍閑部伍分岐路地遠家鄉寄旆旌

聖代止戈資廟略諸侯不復更長征

送人過衛州

憶昔征南府內遊，君家東閣寂淹留。
縱橫聯句長侵曉，次第看花直到秋。
論舊舉杯先下淚，傷離臨水更登樓。
相思前路幾回首，滿眼青山過衛州。

寄中書同年舍人

清明紫閣最高峰，仙掖開簾范彥龍。
五色天書詞煥爛，九華春殿語從容。
綵毫應染爐煙細，清珮仍含玉漏重。
一十年前同日喜，碧霄何路得相逢。

酬一作贈

于駙馬二首

綺陌塵香曙色分，碧山如畫又逢君。
蛟藏秋月一片水，驥鎖晴空千尺雲。
戚里舊知何駙馬，詩家今得鮑參軍。

陽和本是煙霄曲須向花間次第聞

芳時碧落心應斷今日清詞事不同
瑶草秋殘仙圃在

綵雲天遠鳳樓空晴花煖一作曾送金羈影涼葉寒一作還生玉

簾風長得聞詩歡自足會看春露濕蘭叢

將歸東都寄一作別今孤舍人

綠楊紅杏滿城春一騎悠悠萬井塵
岐路未關一作關今日

事風光欲醉長年人閑過綺陌尋高寺
強對一作到朱門謁

近臣多病晚來還有策
維陽山色舊相親

寄江州白司馬

江州司馬平安否
惠遠東林住得無
湓浦曾聞似衣帶

廬峰見說勝香爐
題詩歲晏離鴻斷
望闕天遥病鶴孤

莫謾拘一作牽雨花社青雲依舊是前途

薛司空自青州歸朝

天眷君陳久在東歸朝人看大司空黃河岍畔長無事
滄海東邊獨有功已變畏途成雅俗仍過舊里揖秋風
一門累葉凌煙閣次第儀形漢上公

送章孝標校書歸杭州因寄白舍人

曾過靈隱江邊寺獨宿東樓看海門潮色銀河鋪碧落
日光金柱出紅盆不妨公事資高臥無限詩情要細論
若訪郡人徐孺子應須騎馬到沙村

迷舊紀勲寄太原李光顏侍中二首

玉塞含悽見鴈行北垣新詔拜龍驤弟兄間世真飛將

貔虎歸時似故鄉，鼓角因風飄朔氣。
旌旗映水發秋光，河源收地心猶壯。
笑向天西萬里霜，倚天長劔截雲孤。
報國縱橫見丈夫，五載登壇真宰相。
六重分閫正司徒，曾聞轉戰平堅寇。
共說題詩壓腐儒，料敵知機在方寸。
不勞心力講陰符。

酬盧員外

謝傅旌旗控上游，盧郎罇俎借前籌。
舜城風土臨清廟，魏國山川在白樓。
雲寺當時接高步，水亭今日又同遊。
滿筵舊府笙歌在，獨有羊曇最淚流。

一作後流

古意贈王常侍

繡戶紗牕北里深，香風暗動鳳凰簷。
組紉常在佳人手

刀尺空搖寒女心欲學齊謳逐雲管還思楚練拂霜砧
東家少婦當機織應念無衣雪滿林

送裴中丞出使

一清淮甸假朝綱金印初迎細柳黃辭關天歲和雨露
出關春色避風霜龍韜何必陳三略虎旅由來肅萬方
宣諭生靈負重任回軒應問石渠郎

送絳州盧使君

應將清淨結心期又共陽和到郡時絳老問年須算字
庾公逢月要題詩朱欄迢遶因高勝粉堞清明欲下遲
他日徵還作霖雨不須求賽敬亭祠

贈李侍

知因公望掩能文誓激明誠在致君曾罷雙旌瞻白日
猶將一劔許黃雲搖牕竹色留僧語入院松聲共鶴聞
莫被此心生晚計鎮南人憶杜將軍

上裴中丞

六年西掖弘湯誥三捷東堂總漢科政引風霜成物色
語回天地到陽和清威更助朝端重聖澤曾隨筆下多
應笑白鬚揚執戟可憐春日老如何

和入與人分惠賜冰

天水藏來玉墮空先頒密署幾人同映盤皎潔非資月
一作披扇清涼不在風瑩質方從綸閣內凝輝更向畫

堂一作錦帷中麗詞珍貺難雙有迢遞金輿殿角東

觀打球有作

親掃球場如砥平，龍驤驟馬曉光晴。
入門百拜瞻雄勢，動地三軍唱好聲。
玉勒同時霑赤汗，花鬃分處拂紅纓。
欲令四海氛煙靜，杖底纖塵不敢生。

早春即事呈劉員外

明朝晴暖即相隨，肯信春光被雨欺。
且任文書堆案上，免令杯酒負花時。
馬蹄經歷須應遍，鶯語叮嚀已怪遲。
更待雜芳成艷錦，鄴中爭唱仲宣詩。

送司徒童子

衛多君子魯多儒，七歲聞天笑舞雩。
光彩春風初轉蕙，性靈秋水不藏珠。
兩經在口知名小，百拜垂髫稟氣殊。

况復元侯旌爾善桂林枝上得鷓鴣

寄昭應王丞

武皇金輅輾香塵每歲朝元及此辰光動泉心初浴日
氣蒸山腹總成春謳歌已入雲韶曲詞賦方歸侍從臣
瑞靄朝朝猶望幸天教赤縣有詩人

酬崔博士

自知頑叟更何能唯學難蟲謬見稱長被有情邀唱和
近來無力更祇承青松樹杪三千一作鶴白玉壺中一片
冰今日為君書壁右一作孤城莫怕世人憎

酬裴舍人見寄

誰道重遷是舊班自將霄漢比鄉關二妃樓下宜臨水

五老祠西好看山再葺吾廬心已足每來公府路常閑
詩陪亞相逾三紀石筍煙霞不共攀

和劉員外陪韓僕射野亭公宴

好客風流瑋瑋簪重簷高幕曉沈沈綺筵霜重旌旗滿
玉帳天清綠管聲繁戲徒過魯儒目衆歡方集漢郎心
寒筍一曲嚴城暮雲騎連嘶香外林

酬崔駙馬惠箋百張兼貽四韻

百張雲樣亂花開七字文頭艷錦回浮碧空一作從天上
得殷紅應自日邊來捧持價重凌雲葉封裏香深笑海
苔滿篋清光應照眼欲題凡韻輒裴回一作風韻
魂凡才

贈史開封

天低荒草誓師壇，
艾心知戰地寬。
鼓角迥臨霜野曙，
旌旗高對雪峰寒。
五營向水紅塵起，
一劔當風白日看。
曾從伏波征絕域，
積西蕃部怯金鞍。

奉寄通州元九侍御

大明宮殿鬱蒼蒼，
紫禁龍樓直署香。
九陌華軒爭道路，
一枝寒玉任煙霜。
須聽瑞雪傳心語，
莫一作却被啼猿續淚行。
共說聖朝容直氣，
期君新歲奉恩光。

贈渾鉅中允

公子髫年四海聞，
城南侍獵雪雰雰。
馬盤曠野弦開月，
鴈落寒原箭在雲。
曾向天西穿虜陣，
慣遊花下領儒羣。
一枝瓊萼朝光好，
綵服飄飄從冠軍。

重送胡大夫赴振武

向年擢桂儒生業今日分茅聖主恩
旌旆仍將過鄉路軒車爭看出都門
人間文武能雙捷天下安危待一論
布惠宣威大夫事不妨詩思許琴尊

送陳判官罷舉赴江外

練思多時冰雪清拂衣無語別書生
莫將甲乙爲前累不廢煙霄是此行
定愛紅雲燃楚色應看白雨打江聲
心期玉帳親台位魏勃因君說姓名

奉和裴相公

竹寺題名一半空衰榮三十六人中
在生本要求知己垂老應憐值相公
敢望變和回舊律任應時節到春風

若爲問得蒼蒼意造化無言自是功

和大夫邊春呈長安親故

嚴城吹笛思寒梅二月冰河一半開
紫陌詩情依舊在
黑山弓力畏春來
遊人曲岸看花發
走馬平沙獵雪回
旌旆朝天不知晚
將星高處近三台

張郎中段員外初直翰林報寄長句

秋空如練瑞雲明
天上人間莫問程
丹鳳詞頭供一妙
金鑿殿角直三清
方瞻北極臨星月
猶向南班滯姓名
啟沃朝朝深禁裏
香爐煙外是公卿

奉酬端公春雪見寄

造化多情狀物親
剪花鋪玉萬重新
開飄上路呈豐歲

狂舞中庭學醉春興逸何妨尋刻客唱高還肯寄巴人
遙知獨立芝蘭閣滿眼清光壓俗塵

盧郎中拜陵遇雪蒙見召因寄

南宮使者有光輝欲拜諸陵瑞雪飛
蘋葉已修青玉薦柳花仍拂赤車衣
應同谷口尋春去定似山陰帶月歸
寒冷出郊猶未得羨公將事看芳菲

冬夜陪丘侍御先輩聽崔校書彈琴

雪滿中庭月映林謝家幽賞在瑤琴
楚妃波浪天南遠蔡女煙沙漠北深
顧盼何曾因誤曲殷勤終是感知音
若將雅調開詩興未抵丘遲一片心

元日含元殿下立仗丹鳳樓門下宣赦相公稱

賀四字一作上相公

二首

天垂台耀掃欂櫨壽獻香一作青山祝聖明丹鳳樓一作闕前歌

九奏金雞竿下鼓千聲衣冠南面薰風動文字東方喜

氣生從此登封資廟略兩河連海一時清

臨軒啟扇似雲收率土朝天劇水流瑞色含春當正殿

香煙捧日在高樓三朝氣蚤迎恩澤萬歲聲長繞冕旒

請問漢家功第一麒麟閣上識鄼侯

元日觀朝

北極長尊報聖期一作仰聖時周家何用問元龜天顏入曙千

官拜一作喜元日一作日色迎春萬物知闔闔迴臨黃道正衣裳高

對碧山垂微臣願獻堯人祝壽酒年年太液池

題賈巡官林亭

白鳥閑棲亭樹枝，綠罇仍對菊花籬。
許詢本愛交禪侶，陳寔由來是一作足好兒。
明月出雲秋館思，遠泉經雨夜牕知。
門前長者無虛轍，一片寒光動水池。

和元員外題昇平里新齋

自一作因知休沐諸幽勝，遂肯高齋枕廣衢。
舊地已開新玉圃，春山仍展綠雲圖。
心源邀得閑詩證，肺氣宜將慢酒扶。
此外唯應任真宰，同塵敢一作最是道門樞。

送澹公歸嵩山龍潭寺葬本師

野煙秋水蒼茫遠，禪境真機去住閑。
雙樹為家思舊壑，千花成塔禮寒山。
洞宮曾向龍邊宿，雲徑應從鳥外還。

莫戀本師金骨地空門無處復無關

邵州陪王郎中宴

西塞無塵多玉筵
貂貅鴛鴦儼相連
紅茵照水開罇俎
翠幕當雲發管弦
歌態曉臨團扇靜
舞容春映薄衫妍
管儒縱使他時有
不似歡娛及少年

和令狐舍人酬峰上人題山欄孤竹

滿院冰姿粉籜殘
一莖青翠近簾端
離叢自欲親香火
抱節何妨共歲寒
能讓繁聲任真籟
解將孤影對芳蘭
范雲許訪西林寺
枝葉須和彩鳳看

寄贈田倉曹灣

芳蘭媚庭除灼灼紅英舒
身為陋巷客門有絳轅車朝

夷吾傳暮習穎陽書晒雲高羽翼待賈蘊璠璣纓弁
雖云阻音塵豈復疎若因風雨晦應念寂寥居

上劉侍中

命代生申甫承家翊禹湯廟謨膺間氣師律動清霜鐘

鼎勲庸大山河

一作河山

誠誓長英姿凌虎視逸步壓龍驤道

協陶鈞力恩回日月光一言弘社稷九命備珪璋政洽

軍逾肅仁敷物已康朱門重紫戟丹詔半縑緗位總雲

一作興

龍野師臨涿鹿鄉射鵬天更碧吹角塞仍黃深入平

夷落橫行闢漢疆功垂貞石遠名映色絲香一作斷磧瞻

貔武臨池識鳳凰舞腰凝綺榭歌響拂彫梁杯淨傳鸚

鵲裘鮮照鷓鴣吟詩白羽扇校獵綠沈槍風景佳人地

煙沙壯士場幕中邀謝監一作麾一作下得周郎珠影含空徹

瓊枝映座芳王渾知武子陳寔獎元方富貴春無限歡

娛夜未央管弦隨玉帳尊俎奉金章俗理寧因勸邊城

詎假防軍容雄朔漠公望冠巖廊分野隣孤島京坻溢

萬廂曙華分碣石秋色入衡一作陽城遠迷玄兔川明辯

白狼忠賢多感激今古共蒼茫堤擁紅蕖艷橋分翠柳

行軒車紛自至亭館鬱相當珍簞回煩暑層軒引早涼

聽琴知思靜說劍覺神揚佳景燕臺上清輝鄭驛傍鼓

鼙一作喧北里珪玉映東牀敢銜由之瑟甘循賜也牆官

微思假路戰勝忝一作升堂欲奮三年一作翼頻迴一夕腸

消憂期酒聖乘興任詩狂海內栽一作桃李天涯荷一作稻

梁昇沈門下意一作容誰道在蒼蒼

贈侯侍御

步逸辭羣迹機真一作志結遠一作道心敦詩揚大雅映古酌高

音逃禍棲蝸舍因醒解豸簪紫蘭秋露濕黃鶴晚一作曉天

陰舊業一作葉餘荒草寒山出遠林月明多宿寺世亂重悲

琴霄漢時應在詩書道未沈坐期閭闔霽雲暖一開襟

時未此
即兵

懷德抒情寄上信州座主

五馬江天郡諸生淚共垂讌餘明主德恩在侍臣知悵

望緘雙鯉龍鍾假一枝玉峰遙寄夢雲海暗傷離幢蓋

全家去琴書首路隨滄州值康樂明月向元規鵷鳳終

凌漢蛟龍會出池，蕙香因曙一作發松色肯寒移。舉世瞻
風藻，當朝揖羽儀。加飡門下意，溪水綠逶迤。

送杜郎中使君赴虔州

迢遰南康路，清輝得使君。虎符秋領俗，鴈署早辭羣。地
遠仍連戍，城嚴本帶軍。傍江低檻月，當嶼滿牕雲。境勝
問閭間一作間，天清水陸分。和詩將惠政，頌述九衢聞。

別鶴詞送令狐校書之桂府

海鶴一為別，高程方窅然。影搖江漢路，思結瀟湘天。
皎然仰白日，真姿棲紫煙。含情九霄際，顧侶五雲前。遐
心屬清都，淒響激朱弦。超遙聞一作聞風雨，迢遰各山川。東
南信多水，會合當有年。雌一作雄飛暖冥冥，此意何由傳。

夏日裴尹員外西齋看花

笑向東一作南來客看花 枉在前始知清夏月 更勝艷陽天

露濕呈妝汗 風吹畏火燃 蔥龍和葉盛 爛熳壓枝鮮 紅

彩當鈴閣 清香到玉筵 蝶棲驚曙色 鶯語滯一作帶晴煙 得

地殊堪賞 過時倍覺妍 芳菲遲最好 唯是謝家憐

贈鄰家老將

白首羽林郎 丁年戍朔方 陰天瞻磧落 秋日渡遼陽 大

漠寒山黑 孤城夜月黃 十年依蓐食 萬里帶金瘡 拂雪

露作陳師祭 衝風立教場 箭飛瓊羽合 旗動火雲張 虎翼

分營勢 魚鱗擁陣行 誓心清塞色 鬪血雜沙光 戰地晴

輝薄 軍門曉氣長 寇深爭暗襲 關迥勒春防 身賤竟何

訴天高徒自傷功成封寵將力盡到貧鄉
雀老方悲海鷹衰却念霜空餘孤劍在開匣一霜裳

和呂舍人喜張員外自北番回至境上先寄二

十韻

割愛天文動敦和國步安仙姿歸舊好戎意結新歡
並命瞻鵷鷺同心揖蕙蘭玉簫臨祖帳金觴引征鞍
廣陌雙旌去平沙萬里看海雲侵鬢起邊月向眉殘
突兀陰山迴蒼茫朔野寬毳廬同甲帳韋橐比瑠盤
義著親胡俗儀全識漢官地鄰冰鼠淨天映燭龍寒
節異蘇卿執弦殊蔡女一作蔡彈磧分黃渺渺塞一作寒極黑漫漫歡味澶腥
列徵聲休傑攢歸期先鴈候登路劇鵬搏上客離心遠

西宮草詔殫麗詞傳錦綺珍價掩琅玕百兩開戎壘千
蹄入御欄瑞光麟閣上喜氣鳳城端尚德曾辭劔柔凶
本舞干茫茫斗星北威服古來難

春日奉獻聖壽無疆詞十首

文物京華盛謳歌

一作謠

國步康瑤池供壽酒銀漢麗宸章

靈雨

一作露

含雙闕雷霆肅萬方代推仙祚遠春共聖恩長

鳳宸臨花暖龍鑪旁日香遙知千萬歲天意奉君王

鴛鴦彤庭際軒車綺陌前九城多好色

一作樂

萬井半祥煙

人醉逢堯酒鶯歌荅舜弦花明御溝水香暖禁城天賜

宴文逾盛徵歌

一作歡

物更妍無窮

一作豔

月長照

一作春

太平年

雲陞臨黃道天門在碧虛大明含慶日藻元氣抱宸居戈

偃征苗後詩傳宴鑄初年華富仙苑時哲滿公車化入
網縵大恩垂渙汗餘悠然萬方靜風俗揖華胥

玉漏飄青璫金鋪麗紫宸雲山九門曙天地一家春瑞
靄方呈賞暄風本配仁巖廊開鳳翼水殿壓鰲身文雅
逢明代歡娛及賤臣年年未央闕恩共物華新

垂拱乾坤正歡心品類同紫煙含北極玄澤付東風珠
綴留晴景金莖直曉空發生資盛德交泰讓全功間氣
登三事祥光啟四聰遐荒似川水天外亦一作朝宗

代是文明晝春當宴喜時鑪煙添柳重宮漏出花遲漢
典方寬律周官正採詩碧宵傳鳳吹紅旭一作在龍旗造
化膺神契陽和沃聖思一作無一作因隨百獸率舞奉丹墀

睿德符玄化芳情翊太和日輪皇鑒遠天仗聖朝多曙
色含金榜晴光轉玉珂中宮陳廣樂元老進賡歌蓮葉
看龜上桐花識鳳過小臣空擊壤滄海是恩波
物象朝高殿簪裾溢上京春當九衢好天向萬方明樂
報簫韶發杯看沆瀣生芙蓉丹闕暖楊柳玉樓晴闔闔
開中禁衣裳儼太清南山同聖壽長對鳳皇城
日上蒼龍闕香含紫禁林晴光五雲疊春色九重一作天深
賞叶元和德文垂雅頌音景雲隨御輦顯氣在宸襟永
保無疆壽長懷不戰心聖朝多慶賜瓊樹粉牆陰
化洽生成遂功宣動植知瑞凝三秀草春入萬年枝鳳
掖嘉言進鴛行喜氣隨仗臨丹地迥衣對碧山垂渥澤

方柔遠聰明本聽卑願同東觀士一作事長對一作觀漢威儀

銜魚翠鳥

有意蓮葉間瞥然下高樹擘破一作波得全一作金魚一點翠光

去

和鄭相公尋一本此下有興善寺三字宣上人相遇

方尋一作放心蓮境去又值竹房空幾韻飄寒玉餘清不在風

題范陽金臺驛

六國唯求客千金遂築臺若今逢聖代憔悴郭生回

寄薛侍御

世上無窮事生涯莫廢詩何曾好風月不是憶君時

賦得灞岸柳留辭鄭員外

楊柳含煙灞岸春年年攀折爲行人好風儻借低枝便
莫遣青絲掃路塵

折楊柳

一作和練秀才楊柳一作戴叔倫詩

水邊楊柳麴塵

一作

絲立馬煩君折一枝惟有春風最相

惜殷勤更

一作肯

向手中吹

雪中聽箏

玉柱泠泠對寒雪清商怨徵聲何切誰憐楚客向隅時
一片愁心與弦絕

盧龍塞行送韋掌記二首

雨雪紛紛黑水外行人共指盧龍塞萬里飛沙壓鼓鼙

三軍殺氣凝旌旆

陳琳書記本翩翩料敵能兵奪酒泉聖主好文兼好武
封侯莫比漢皇年

題五老峰下費君書院

解向花間栽碧松門前不負老人峰已將心事隨身隱
認得溪雲第幾重

僧院聽琴

一作宿藏公院
聽流寺若潭琴

禪思何妨在玉琴真僧不見聽時心離聲怨調秋堂夕
雲向蒼梧湘水深

和武相公春曉聞鶯

語恨飛遲天欲明殷勤似訴有餘情仁風已及芳菲節
猶向花溪鳴一作聽幾聲

唐昌觀玉蕊花

晴空素艷照霞新
香灑天風不到塵
持贈昔聞將白雪
藥珠宮上玉花春

山中主人

十里青山有一家
翠屏深處更添霞
若為說得溪中事
錦石和煙四面花

太原贈李屬侍御

路入桑乾塞
鴈飛棗郎年少有光輝
春風走馬二千里
不廢看花君一作繡衣

崔娘詩

清潤潘郎玉不如
中庭蕙草雪消融
初風流才子多春思

腸斷蕭娘一紙書

題雲師山房

一作權德輿詩
又作戎昱詩

雲公蘭若深山裏
月明松殿微風起
試問空門清淨心
蓮花不著秋潭水

城東早春

詩家清一作新景在
新春綠柳纔黃半
未勻若待上林花似

錦出門俱是看花人

秋日登亭贈薛侍御

潦倒從軍何取益
東西走馬暫同遊
梁王舊客皆能賦

今日因何獨怨秋

石水詞二首

銀罌深鑲貯清光無限來人不得嘗知共金丹爭氣力
一杯全勝五雲漿

山叟和雲斲翠屏煎時分日檢仙經天人持此扶衰病
勝得瑤池水一瓶

答振武李逢吉判官

近來時諱都無興把酒皆言肺病同唯有單于李評事
不將華髮負春風

宮燕詞

毛衣侶錦語如弦日煖爭高綺陌天幾處野花留不得
雙雙飛向御爐前

贈崔駙馬

白尺梧桐畫閣齊簫聲落處翠雲低平陽不惜黃金埒
細雨花塵踏作泥

聽李憑彈箏篋二首

聽奏繁弦玉殿清風傳曲度禁林明君王聽樂黎園煖
翻到雲門第幾聲

花咽嬌鶯玉漱泉名高半在御筵前漢王欲助人間樂
從遣新聲墜九天

臨水看花

一樹紅花暎綠波清明騎馬好經過今朝幾許風吹落
聞道蕭郎最惜多

觀妓人入道二首

荀令歌鐘北里亭翠娥紅粉敞雲屏舞衣施盡餘香在
今日花前學誦經

碧玉芳年事冠軍清歌空得隔花聞春來削髮芙蓉寺
蟬鬢臨風墮綠雲

方城驛逢孟侍御

走馬溫湯直隼飛相逢矍鑠理征衣軍中得力兒男事
入驛從容見落暉

題清涼寺

憑檻霏微松樹煙陶潛曾用道林錢一聲寒磬空心曉
花雨知從第幾天

酬令狐舍人

曉禁蒼蒼換直還暫低鸞翼向人間亦知受業公門事
數仞丘牆不見山

和令狐郎中

題詩一代占清機
秉筆三年直紫微
自稟道情辭亂異
不同濩玉學知非

美人春怨

妾家巫峽陽羅幌
寢蘭堂曉日臨窗
久春風引夢長落
釵仍挂鬢微汗欲銷黃
縱便朦朧覺魂猶逐楚王

艷女詞

露井桃花發雙雙
燕並飛美人姿態裏
春色上羅衣自
愛頻開鏡時羞欲掩
扉心知行路客遙惹五香歸

名姝詠

阿嬌年未多體弱性能和怕
重愁拈鏡憐輕喜曳羅臨
津雙洛浦對月兩嫦娥獨有
荆王殿時時暮雨過

送太和公主和蕃

北路古來難年光獨認寒朔
雲侵鬢起邊月向省殘蘆
井尋沙到花門度磧看薰風
一萬里來處是長安

秋日韋少府廳池上詠石

主人得幽石日覺公堂清
一片池上色孤峰雲外情
舊溪紅蘚在秋水綠痕生
何必澄湖徹移來有令名

失題

何事慰朝夕不踰詩酒情
山河空道路蕃漢共刀兵
禮

樂新南市園林舊弟兄向風一點淚塞一作寒晚暮江平

春日題龍門香山寺

衆香天上梵王宮鐘磬寥寥半碧空清景乍開松嶺月
亂流長響石樓風山河杳映春雲外城闕參差曉樹中
欲盡出尋那可得三千世界本無窮

寄申州盧拱使君

領郡仍聞總虎貔致身還是見男兒小船隔水催桃葉
大鼓當風舞柘枝酒坐微酣諸客倒毬場慢撥幾人隨
從來樂事憎詩苦莫放窗中遠岫知

贈賸郊居秋日酬奚贊府見寄

繁菊照深居芳香春不如聞尋周處能知伴庾尚書日

晚汀洲曠天晴草木疎閑言揮麈柄清步掩蝸廬野老
能親牧高人念遠漁幽叢臨古岬輕葉度寒渠暮色無
狂蝶秋華有嫩蔬若爲酬郢曲從此愧璠璣

聖恩洗雪鎮州寄獻裴相公

天借春光洗綠林戰塵收盡見花陰好生本是君王德
忍死何妨壯士心曾賀截雲翻柵遠仍聞劔凍下營深
井陘昨日雙旗入蕭相無言淚濕襟

賀田僕射子弟榮拜金吾

五侯恩澤不同年叔姪朱門襮稍連鳳沼九重相喜氣
鴈行一半入祥煙街衢燭影侵寒月文武珂聲疊曉天
爲數麒麟高閣上誰家父子勒燕然

和裴舍人觀田尚書出獵

聖代司空比玉清
雄藩觀獵見皇情
雲禽已覺高無益
霜兔應知狡不成
飛鞚擁塵寒草盡
彎弓開月朔風生
今朝始賀將軍貴
紫禁詩人看旆旌

送李舍人歸蘭陵里

清詞舉世皆藏篋
美酒當山爲滿罇
三畝嫩蔬臨綺陌
四行高樹擁朱門
家貧境勝心無累
名重官閑口不論
惟有道情常自足
啟期天地易知恩

翻雅性同太常尉
遲博士闕下待漏

沈沈延閣抱丹墀
松色苔花顥露滋
爽氣曉來青玉甃
薰風宿在翠花旗
方瞻御陌三條廣
猶覺仙門一刻遲

此地含香從白首馮唐何事怨明時

見薛侍御戴不損裏帽子因贈

潘郎對青鏡烏帽似新裁曉露鴉初洗春荷葉半開堪
將護中櫺不獨隔塵埃已見籠蟬翼無因映鹿胎何人
呈巧思好手自西來有意憐衰醜煩君致一枚

胡二十拜戶部兼判度支

清機果被公材撓雄拜知承聖主恩廟略已調天府實
國征方覺地官尊徒言玉節將分闡定是沙隄欲到門
爲愛山前新卜第不妨風月事琴樽

元日呈李逢吉舍人

華夷文物賀新年霜仗遙排鳳闕前一片彩霞迎曙日

萬條紅燭動春天稱觴山色和元氣端冕爐香疊瑞煙
共說正初當聖澤試過西掖問羣賢

和杜中丞西禪院看花元七年及第由太原堂

書林堆錦映千燈照眼牽情欲不勝知倚晴明嬌自足
解將顏色醉相仍好風輕引香煙入甘露纔和粉艷凝
深處最憐鶯蹂踐嬾時先被蝶侵凌對持真境應無取
分付空門又未能迎日似翻紅燒斷臨流疑映綺霞層
幽舍晚態憐丹桂盛續春光識紫藤每到花枝獨惆悵
山東惟有杜中丞

句

三刀夢益州一箭取遼城

以下見紀事

伊陟無聞祖韋賢不

到孫夢益因一階以盡其心
神妙無聞時筆寶不

山東並齊林中學

幽合如夢春長其氣餘春失歸
集教身徑於此際開刻

分於空門又未肯望
外睡以教滿謂無幾知
於雲會

采其真精其氣無
微不盡其性其真竟
無不

穢穢既盈袖附內
我風舞得香聖人甘
露滋味如

一林對離地香
靈氣聖靈不
離吟詩韻
賦自只

為愛山吟林中
西野刻香
菲琴鶴

共浴五
曉當望
羣嶺西
姝問琴
贊

萬發瑤
巖煙春
天灑
歌山
吟
天
肅
壯
景
歌
香
疊
滿
野

全唐詩歌故事

令狐楚

令狐楚字殼士宜州華原人貞元七年及第由太原掌書記至判官德宗好文每省太原奏必能辨楚所爲數稱之召授右拾遺憲宗時累擢職方員外郎知制誥皇甫鏞薦爲翰林學士進中書舍人出爲華州刺史鏞既相復薦楚爲中書侍郎同平章事穆宗即位進門下侍郎尋出爲宣歙觀察使貶衡州刺史再徙太子賓客分司東都長慶二年擢陝虢觀察使敬宗立拜楚爲河南尹遷宣武節度使入爲戶部尚書俄拜東都留守徙天平節度使召爲吏部尚書檢校尚書右僕射進拜左僕

射彭陽郡公開成元年上疏辭位拜山南西道節度使
卒贈司空謚曰文集一百三十卷歌詩一卷今編詩一

卷

東林夏至日衡陽郡齋書懷

陳史再發太子書

一來江城守七見江月圓齒髮將六十鄉關越三千
寨帷罕遊觀閉閣多沉眠新節還復至故交盡相捐
何時
班閭闔上訴高高天
書
至八月十七日夜書懷
未
三五既不留
又還過金蟾著未出玉樹悲稍破
誰
向西園遊空歸北堂臥佳期信難得
永夕無可奈
撫枕
獨高歌煩君爲予和

九日言懷

二九卽重陽天清野菊黃
近來逢此日多是在他鄉
晚色霞千片秋聲鴈一行
不能高處望恐斷老人腸

和寄竇七中丞

仙吏秦娥別新詩鄂渚來
才推今北斗職賦舊三台
雕鏤心偏許緘封手自開
何年相贈荅却得到中臺

立秋日悲懷

清曉上高臺秋風今日來
又添新節恨猶抱故年哀
淚豈揮能盡泉終閉不開
更傷春月過私服示無縲

秋懷寄錢侍郎

晚歲俱爲郡新秋各異鄉
燕鴻一聲叫郢樹盡青蒼
山

露侵衣潤江風捲簾涼相思如漢水日夜向潯陽

立秋日

平日本多恨新秋偏易悲燕詞如惜別柳意已呈衰事
國終無補還家未有期心中舊氣味苦校去年時

贈毛仙翁

宣州渾是上清宮客有真人貌似童紺髮垂纓光髭髯
醜細髻綠領綠茸茸壺中藥物梯霞訣肘後方書縮地
功既許焚香爲弟子願教年紀共椿同

遊義興寺寄上李逢吉相公

柳營無事詣蓮宮

相公以住此寺

步步猶疑是夢中勞役徒爲萬

夫長閑遊曾與二人同鳳鸞

一作皇

飛去仙巢在龍象潛來

講席空松下花飛頻佇立一心千里憶梁公

遊晉祠上李逢吉相公

不立晉祠三十年白頭重到一凄然
泉聲自昔鏘寒玉草色雖秋耀翠鈿
少壯同遊寧有數尊榮再會便無緣
相思臨水下雙淚寄入并汾向洛川

節度宣武酬樂天夢得

蓬萊仙監

梁

客曹郎

劉禹錫

曾在高車客大梁見擁旌旄

治軍旅知親筆視事文章愁看柳色懸
離恨憶遮花枝助酒狂洛下相逢肯相寄
南金璀璨玉淒涼

奉和嚴司空重陽日同崔常侍崔郎及諸公登

龍山落帽臺佳宴

謝公秋思渺天涯蠟屐登高爲菊花貴重近臣光綺席
笑憐從事落烏紗萸房暗綻紅珠朶茗碗寒供白露芽
詠碎一作驪龍山歸山號一作驪馬奔流電妓奔車

立春後言懷招汴州李匡衡推

閑齋夜擊唾壺歌試望夷門柰遠何每聽塞笳離夢斷
時窺清鑑旅愁多初驚宵漏丁丁促已覺春風習習和
海內故人君最老花開鞭馬更相過

奉和僕射相公酬忠武李相公見寄之作

麗藻飛來自相庭五文相錯八音清初瞻綺色連霞色
又聽金聲繼玉聲才出山西文與武歡從塞北弟兼兄
白頭老尹三川上雙和陽春喜復驚

郡齋左偏栽竹百餘竿炎涼已周青翠不改而
爲墻垣所蔽有乖愛賞假一作暇日命去齋居之東
墻由是俯臨軒階低映帷戶日夕相對頗有脩
然之趣

齋居栽竹北窗邊素壁新開映一作見碧鮮青藹近當行藥
處綠陰深到臥帷前風驚曉葉如聞雨月過春枝似帶
煙老子憶山心暫緩退公閑坐對嬋娟

省中直夜對雪寄李師素侍郎

密雪紛初降重城杳未開雜花飛爛熳連蝶舞徘徊灑
散千株葉銷凝九陌埃素華凝粉署清氣繞霜臺明覺
侵窗積寒知度塞來謝家爭擬絮越嶺悞驚梅暗魄微

范照嚴飈次第催一作堆稍封黃竹亞先集紫蘭摧孫室臨

書幌梁園泛酒杯靜懷瓊樹倚醉憶玉山顏翠陌飢烏

噪蒼雲遠鴈哀此時方夜直想望意悠哉

南宮夜直宿見李給事封題其所下制敕知奏

直在東省因以詩寄

番直同遙夜嚴扃限幾重青編書白雀其日敕鄭州奏
白雀直付史館黃紙

降蒼龍北極絲綸句東垣翰墨蹤尚垂玄露點猶濕紫

泥封炫眼凝仙燭馳心裊禁鍾定應形夢寐暫似接音

容玉樹春枝動金樽臘醲醲在朝君最舊休澣許過從

將赴洛下旅次漢南獻上相公二十兄言懷八

韻

台室名曾繼旌門節暫過歡情老去少苦事別離多使
爲開樽俎應憐出網羅百憂今已失一醉孰知他帝德
千年日君恩萬里波許隨黃綺輩閑唱紫芝歌龍衮期
重補梅羹佇再和嵩丘來攜手君子意如何

青雲千呂

郁郁復紛紛青霄千呂雲色令天下見候向管中分遠
覆無入境遙彰有德君瑞容驚不散冥感信稀聞湛露
羞依草南風耻帶葉恭惟漢武帝餘烈尚氛氲

聖明樂

海浪恬月微邊塵靜異山從今萬里外不復鎖蕭關

春閨思

戴勝飛晴野凌漸下濁河春風樓上望誰見淚痕多

宮中樂五首

楚塞金陵靖

一作靜

巴山玉壘空萬方無一事端拱大明宮

雪霽長楊苑冰開太液池宮中行樂日天下盛明時

柳色煙相似梨花雪不如春風真

一作空

有意一麗皇居

月上宮花靜煙含苑樹深銀臺門已閉仙漏夜沉沉

九重青瑣闥百尺碧雲樓明月秋風起珠簾上玉鉤

重游春遊曲

一作遊

三首

曉遊臨碧殿日上望春亭芳樹羅仙仗晴山展翠屏

一夜好風吹新花一萬枝風前調玉管花下簇金羈

一作羈

闐闐春風起蓬萊雪水

一作雪

消相將折楊柳爭取最長條

遠別離二首

楊柳黃金穗 梧桐碧玉枝 春來消息斷 早晚是歸期
一作時

閨人贈遠 一作長 二首

君行登隴上 妾夢在閨中 玉筋千行落 一作淚 銀牀一半空

綺席 幾度 春眠覺 紗窗曉望迷 朦朧殘夢裏 猶自在遼西

從軍詞五首

荒雞隔水啼 汗馬逐風嘶 終日隨征旆 何時罷鼓鼙
孤心眠夜雪 滿眼是秋沙 萬里猶防塞 三年不見家
却望冰河闊 前登雪嶺高 征人幾多在 又擬戰臨洮
胡風千里驚 漢月五更明 縱有還家夢 猶聞出塞聲

暮雪連青海陰霞覆白山可憐班定遠生入玉門關

思君恩

小苑鶯歌歇長門蝶舞多眼看春又去翠輦不經一作過

王昭君

錦車天外去毳幕雪中開魏闕蒼龍遠蕭關赤鴈哀

發潭州寄李寧常侍

君今侍紫垣我已墮青天委廢一作棄從茲日旋歸在幾年

心為西靡樹眼是北流泉更過長沙去江風滿驛船

李相薨後題斷金集

一作裴
處真詩

一覽斷金集載悲埋玉人牙弦千古絕珠淚萬行新

年少行四首

少小邊州一作城慣放狂驕騎蕃馬射黃羊如今年老無筋

力猶一作獨倚營門數鴈行一作木日開功名等閑飛鞚秋原

家本清河住五城須憑弓箭得一作見功名等閑飛鞚秋原

上獨向寒雲試射聲一作功名等閑飛鞚秋原

弓背霞明劍照霜秋風走馬出咸陽未收天子河湟地

不擬回頭望故鄉一作功名等閑飛鞚秋原

霜一作雪滿中庭一作月中樓金樽玉柱對清秋當年稱意

須行樂不到天明不一作未肯休一作功名等閑飛鞚秋原

塞下曲二首

雪滿衣裳冰滿鬚曉隨飛將伐單于平生意一作志氣今何

在把得家書淚似珠

邊草蕭條塞鴈飛
征人南望淚一作盡沾衣
黃塵滿面長須

戰白髮生頭未得歸

遊一作望春詞

高樓曉一作見見一花開
便覺春光四面來
暖日晴雲知次

第東風不用更相催

漢苑行一作望春詞第二首

雲霞五采浮天闕
梅柳千般一作枝夾御溝
不上黃花一作山南

北一作樂遊原上望豈知春色滿神一作皇州

宋本歌中元日贈張尊師

偶來人世值中元
不獻玄都永日閑
寂寂焚香在仙觀

知師遙禮玉京山

蘇不與赴東都別牡丹

十年不見小庭花紫萼臨開又別家
上馬出門回首望何時更得到京華

寄禮部劉郎中

一別三年在上京仙垣終日選羣英
除書每下皆先看唯有劉郎無姓名

坐中聞思帝鄉有感

年年不見帝鄉春白日尋思夜夢頻
上酒忽聞吹此曲坐中惆悵更何人

春思寄夢得樂天

花滿中庭酒滿樽平明獨坐到黃昏
春來詩思偏何處

飛過函關入鼎門

皇城中花園譏劉白賞春不及

五鳳樓西花一園低枝小樹盡芳繁洛陽才子何曾愛
下馬貪趨廣運門

相思河

誰把相思號此河塞垣車馬往來多只應自古征人淚
灑向空洲作碧波

三月晦日會李員外座中頻以老大不醉見譏

因有此贈

上月唯殘一日春玉山傾倒白鷗馴不辭便學山公醉
花下無人作主人

賦山

白居易分司東洛朝賢悉會興化亭送別酒酣各

請一字至七字詩以題為韻

山聳峻回環滄海上白雲間商老深尋謝公遠攀古巖
泉滴滴幽谷鳥關關樹島西連隴塞後聲南徹荆蠻世
人只向簪裾老芳草空餘麋鹿閑

句

何日居三署終年尾百僚

見定命錄

移石幾迴敲廢印開箱

何處送新圖

見春明退朝錄

唯應四仲祭使者暫悲嗟

官人

偶

逢蒲家郎乃是葛仙客行常乘青竹飢即煮白石腰間
嫌大組心內保尺宅我願從之遊深卜鍊上液

見錦繡萬花谷

聯天賦必凶野又字炸聯外之遊彩小終其

重韻宋願八景集外事詩會集青竹燈明然白云

四志文祥圖題詞 韻集四轉祭法禮記

博日星之五香然守氣百創命和 錄日終與始

空

入只向誓跡基芒草空會氣幽關 又題自古正人

泉高幽此谷鳥關關樹是西新 滿寨對響南嶺

山警如回翠余世士言 聖開南夫新長情公夜奉古

結一字三十字結 賦

白雲也今同東各開習集命與北高聲賦西行各

花下 烟山

全唐詩

裴度

裴度字中立河東聞喜人貞元中擢第授河陰縣尉遷
監察御史出爲河南府功曹遷起居舍人憲宗元和六
年以司封員外郎知制誥尋轉本司郎中使魏州還拜
中書舍人改御史中丞尋兼刑部侍郎十六年拜門下
侍郎同中書門下平章事于時討蔡度請身自督戰詔
以度充淮西宣慰招討處置使蔡平封晉國公復知政
事爲皇甫鎛所構出爲太原尹北都留守河東節度使
穆宗長慶元年河朔復亂詔度以本官充鎮州四面行
營招討使元稹拜平章事罷度兵權充東都留守尋以

守司徒同平章事復知政事李逢吉沮之出爲山南西
道節度使敬宗寶曆元年度入覲京師帝禮遇隆厚數
日宣制復知政事文宗立加門下侍郎集賢殿大學士
進階特進以病懇辭機務詔加守司徒兼侍中充山南
東道節度等使太和八年以本官判東都尚書省事充
東都留守進位中書令尋復兼太原尹北都留守河東
節度使度固辭不允至鎮病甚乞還東都養病詔許還
京卒贈太傅度狀貌不踰中人而風彩俊爽占對雄辯
出入中外經事四朝以身繫國之安危者二十年集二
卷今編詩一卷

全唐詩 享惠昭太子廟樂章

亞獻
終獻

重輪始發祥齒胃方興學冥然升紫府鏗爾薦清樂奠
竿致馨香在庭紛羽籥禮成神既醉髣髴緱山鶴

西
夏日對雨

登樓逃盛夏

一作暑

萬象正埃塵對面雷嗔樹當街雨趁人

簷疎蛛網重地溼燕泥新吟罷清風起荷香滿四鄰

白二十二侍郎有雙鶴留在洛下予西園多野

水長松可以栖息遂以詩請之

聞君有雙鶴羈旅洛城東未放歸仙去一作路何如乞老翁

且將臨野水莫閉在樊籠好是長鳴處西園白露一作松徑中

寶七中丞見示初至夏口獻元戎詩輒戲和之

出佐青油幕來吟白雪篇須為九臯鶴莫上五湖船寶詩

自稱鶴兼云
治船裝故也
故態君應在新詩我亦便
聞鄂州初教成誣者甚工
元侯看

再入好被暫流連

且欲酬張秘書因寄馬贈詩

滿城馳逐皆求馬古寺閑行獨與君代步本慙非逸足

緣情何幸枉高文若逢佳麗從一作須將換莫共駑駘角出

羣飛控著鞭能顧我當時王粲亦從軍

真慧寺五州道場

遍尋真蹟躡莓苔世事全拋不忍回上界不知何處去

西天移向此間來巖前芍藥師親種嶺上青松佛手栽

更有一般人不見白蓮花向半天開

中書即事

有意效承平無功若一作益聖明灰心緣忍事霜鬢爲論兵

道直身還在恩深命轉輕鹽梅非擬議葵藿是平生白

日長懸照蒼蠅謾發聲高陽舊田里一作地終使謝歸耕

中和節詔賜公卿尺

貞元八年宏詞

舍稟今日又衣恩

陽和行慶賜尺度及羣公一作荷寵承佳節傾心立大中

短長思合製遠近貴攸同共仰財成德將酬分寸功作

程施有政垂範播無窮願續南山壽千春奉聖躬

至日登樂遊園

風自林林吹式蘇王王慈

陰律隨寒改陽和應節生祥雲觀魏闕瑞氣映秦城驗

炭論時政書雲受歲盈晷移長日至霧斂遠霄清景暖

仙梅動風柔御柳傾那堪封得意空對物華情一作清

奉酬中書相公至日圓丘攝事合於中書後閣

宿齋移止於集賢院敘懷見寄之作

翼亮登三命趙公三拜中書侍郎平章事謨猷本一心致齋移秘府祇事

見冲襟皓月當延閣祥風自禁林相庭方積玉王度已

如金運偶唐虞盛情同丙魏深幽蘭與白雪何處寄庸

音

太原題廳壁

危事經非一浮榮得是空白頭官舍裏今日又春風

溪居

門徑俯清溪茅簷古木齊紅塵飄一作飛不到時有水禽題

喜遇劉二十八以下三首本聯句中語洪邁取為絕句

病來佳興少老去舊遊稀
笑語縱橫作盃觴絡繹飛

送劉

不歸丹掖去銅竹漫云云
惟喜因過我須知未賀君

再送

頃來多謔浪此夕任喧紛
故態猶應在行期未要聞

涼風亭睡覺

飽食緩行新睡覺一甌新茗侍兒煎
脫巾斜倚繩床坐風送水聲來耳邊

雪中詩諸公不相訪

憶昨雨多泥又深猶能攜妓遠過尋
滿空亂雪花相似何事居然無賞心